

Fraccion mep

Awe 12 di october MEP ta recorda e di 18 aña di fayecimento di ing. Roland Lacle



mento cu Betico Croes (q.e.p.d.) a dicidi di forma su propio partido, Roland tabata un di e prome nan cu a uni su mes cu Betico y asina a bira co-fundado di partido MEP, un partido cu el a stima te na su morto.

Como un co-fundado di prome ora, Roland a aparece riba lista di MEP for di 1971 te cu 1993 demostrando asina su lealtad incondicional na partido MEP. Roland

Awe partido MEP ta recorda cu 18 aña pasa un baluarte integro y leal na nos partido a bay laga nos, esta ing. Roland Lacle den feliz memoria. Roland Lacle a nace dia 17 di october 1939 y a dedica un gran parti di su bida den politica sirbiendo su pueblo y su partido den diferente funcion.

Na aña 1971, esta na e mo-

semper a kere den libertad di e pueblo aki y asina el a lucha schouder cu schouder cu Betico Croes pa nos Status Aparte desde e inicio di e lucha te ora cu e Conferencia di Mesa Rondo a conclui exitosamente na maart 1983. Como politico y gobernante Roland tabatin un trayectoria impresionante y a ocupa practicamente tur funcion gubernamental na Antias y Aruba. E tabata miembro di

Eilandsraad di Aruba, miembro di Parlamento di Antias, diputado di Aruba, Ministro Plenipotenciario Interino pa Antias y alabes Representante di Antias Hulandes den Mercado Comun

Europeo, Ministro di Trafico y Comunicacion di Antias. Pa pais Aruba e tabata miembro di Parlamento, Ministro Plenipotenciario y Ministro

di Fiansa. Tambe Roland pa varios aña tabata Presidente di MEP y un di e oradornan principal na tur e congresonan di nos partido.

Dia 12 di october 1997 Roland a bay laga nos despues cu el a keda hopi aña sufriendo di un kebrante di salud. Como reconocimiento na e gran Arubiano aki, Gabinete Oduber a duna e caretera

principal dilanti di Hospital bieu y sigui te dilanti su cas na Paradera e nomber di "Caya Ing. Roland Lacle" y pa asina tene su memoria bibo den comunidad. Roland su espiritu di lucha, dedicacion, integridad y su lealtad incondicional na nos partido lo keda semper graba den nos curason. Cu Roland sigui sosega na paz den Reino di Señor. □

